

太保費文憲公摘稿

太保費文憲公摘稿卷之十九

碑類

擬嚴子陵祠堂碑

嚴之七里灘有嚴先生祠堂始構者高平范公公之後屢葺屢圯我朝維持俗化載在祀典比不葺者有年矣郡守某懼無以竭虔妥靈請繕之且言麗牲之碑不可無述詔許之以命臣某嗚呼節義者君子之大閑也風俗者國家之元氣也故世有節義之士人主能從而崇重之則天下知所觀感興起風聲俗化惟正之超及其積之既久則名教所在如川之防

如過壘墉雖匹夫匹婦知守死而不移即有亂臣賊  
子將逡巡畏抑而不敢發節義之可重固如此東漢  
之興得先生一人焉豈非幸哉蓋兩京自孝宣以來  
正人旣斥諛佞成風至於哀平癸也極矣故莽奸得  
遂公盜神物罔有赧色其時吏民上書頌德蟻附蠅  
集雖號爲大儒者亦具其言獻諛自取投閣之辱而  
清名之士徃徃屈受僞官不以爲耻獨先生養高晦  
迹汙命不至其門所以自立何如也及光武之興鱗  
鱗翼翼附爭欲效尺寸以垂名竹帛者何限而先生其  
人也方且愛幽棲自隱身不出及帝思其賢三聘

馬公不從遂忤瑾令公致仕公曰是吾志也飄然  
歸吳江杜門謝事惟日課子孫讀書奴婢耕織暇則  
讀書自樂里之後生考德問業及郡邑大夫從而諮  
政者公酬應無倦縉紳道于其境必求公之廬而禮  
焉辛未公之子山以刑部主事遭恩例進封公資政  
大夫公益自感激每貽書戒子以竭忠圖報爲務  
今上入正大統又進公資德大夫正治上卿家居十  
五年廟堂之憂無日不往來於懷遇賀萬壽必夙興  
恐後吳中族寢盛公懼其久而漸踈如塗之人也作  
譜以明其宗嘉靖甲申得末疾繼聞仲子巖之訃遂

不獲聞事之酉二月十有九日溘焉而逝距其生正  
統戊辰正月八日享年七十有八公爲人和而不移  
莊而不倨始仕即以立齋自號故其所立卓然有可  
觀者然行之以恕輒因人而體其心不徒取快於一  
已也評者謂公庶幾能與人爲善公之去易屬吏有  
以金遺公之奴者奴却之君子又知公之道行于家  
而其教孚于天下也公初配邑城王氏贈夫人繼以  
夏忠靖公之孫女贈淑人氏繼以邑之丘氏封夫人  
子男四長即山今爲浙江布政司左叅政次巖與山  
同登戊辰進士官亦如之先公卒以壽以蔭補國子

君克遂其高萬乘雖尊輕如鴻毛手撫其腹腹乘其  
足以崇雅望以風衰俗代多介士守義以終國衰不  
絕伊誰之功雲臺諸將上應列宿徒爲誇詡其迹已  
朽隱隱客星懸象著明巖巖釣石屹峙不傾七里之  
瀨遺迹所止昉于高平構屋以祀匪榮先生維教之  
崇庶幾有感以立厥躬於我有國載諸祀典守侯承  
之慶用不厭莫此新宮守侯圖之天子有詔詩以銘  
之

桂氏義僕碑

嘉靖三年秋七月大同叛卒戕將領及其巡撫憲臣

知罪不可赦。脅親藩爲之請。詔貸死。䟽一日三四至。變且不測。上命都督桂侯勇爲元帥。以鈇鉞往鎮之。衆方洶洶視鎮城如虎穴。以入爲難。都督旣佩印。礪兵秣馬。率妻孥治行。無幾微憂懼之懷。顧獨念平居未嘗蓄死士。置之帳下。緩急無可爲腹心者。步于庭而嘆者屢焉。其童曰全勝曰彪曰錦曰麒曰俊者奮而前曰。國之臣家之僕。分雖殊而心一也。主翁爲天子元帥。能忠於國而弗愛其身。僕輩乃不能忠於家而忍負其主乎。况大馬受秦養之恩。猶知報焉。僕輩肯大馬之不如耶。都督聞其言而壯之。遂與偕行。

既至鎮叛者疑未釋訛言王師且來屠城相煽以亂  
事聞下廷臣議議必剪首惡以除禍本得其主名者  
千遣文武大臣率禁旅及隣鎮兵凡數千將臨城取  
之然宗室懿親數十百居民之無罪者數十萬皆雜  
處城中崑崗之火蓋有不容以輕縱者主兵者約都  
督以討擒之全勝輩用其主命協力取郭鑑等十一  
人尸於幕府逆黨股栗城中爲之少定初議首惡既  
得即班師主兵者未之思也又傳檄將有事於鎮城  
叛者復疑復亂鑑之父疤子挾其徒徐羶兒五十餘  
輩大都督之門索都督欲甘心焉全勝持弓矢捍禦



首犯其鋒彪錦麒麟俊相繼殊死鬪悉爲所害至裂其  
肢體懸庭樹慘不可言曰驢兒回子喜孫者全勝與  
彪之子也皆見殺如其父慘逆黨憤少洩都督乃幸  
得全蓋一時之大變也然自鑑等旣誅向焉未正之  
法於是始正武夫悍卒亦知從逆之禍卒不可免而  
有革心效順之機後月餘城中人相率縛庖子輩獻  
于官無一脫者而邊城晏然以靖謂非全勝輩仗節  
死義者爲之倡有以感其心而作其氣耶當全勝遇  
害時都督之妻田夫人及側室王氏皆被創絕上  
憫之亟召還京陞其秩進舊階一等傷者皆厚加優

恤死事錄其孤兒全勝與彪蓋已無噍類矣都督惻  
然恐無以慰其忠魂謀伐石即死所鐫其名爲不朽  
計屢詣予請曰全勝彪亦麒麟皆非勇族特因其孤查  
而予之遂承勇姓而命之名俊則大同前衛千戶李  
英之弟於勇不過姻婭之好耳今皆捐生赴難如子  
之於父此勇所以哀之而欲著其志節於來世也又  
曰郎之戰公叔禹人耻士弗能死與其童汪跣死焉  
孔子謂跣能執干戈以衛社稷許其勿殤又特傳其  
事載之簡冊千載而下知跣名以有春秋之筆也公  
肯微全勝輩而靳于辭乎予惟死者人所甚惡即士

君子猶必致審於熊魚之辨乃能舍生而取義况求之厮養可易得乎全勝之輩感主之恩效臣之節不避艱險視死如歸可謂明於大義而無愧於士君子之流矣夫一世爲短百世爲長故苟知死義之爲榮而苟生之爲幸則有可以得生而不用可以避患而不爲者都督爲予言全勝輩死時其年皆未三十自世俗論之君以爲短折矣然其身雖死而生氣凜凜後千載蓋猶不死其名之壽何如哉視彼偷生而苟免者其爲榮何如哉嗚呼讀是碑者其將有所感也夫其亦有所勵也夫

碑銘

光祿大夫柱國少傅兼太子太傅戶部尚書  
謹身殿大學士贈太傅謚文正木齊謝公神  
道碑銘

孝宗敬皇帝臨御十有八年敬天法祖任賢使能中  
國乂安四海賓服其繼體守成治化之美上媲  
聖祖駕軼帝王一時輔臣則有若太師晦庵劉文靖  
公西涯李文正公太傅木齊謝文正公至與孝廟  
相終始明良相值於斯為盛孝廟上賓預受顧  
命逮事武宗功成身退卒歸于正若夫里居二十

餘年再蒙 召用遐壽合終子孫振振克紹世美若  
木齋公者又二公所不逮也嗚呼休哉公且卒謂其  
子中書舍人正太常少卿兼侍讀丕曰神道之碑必  
屬費君蓋館閣舊人惟費君尚在其知予之詳亦莫  
費君若也二君遵公治命遣其曾孫敏行持公門人  
倪君本端所為狀造予廬而請焉予素辱公愛誠如  
公言誼不忍辭按狀謝氏之先出河南陽夏太傳文  
靖公安顯于東晉遂寓會稽後徙台之臨海而少傳  
丞相惠正公深甫又顯于南宋其行長二處士者則  
自臨海徙餘姚之始祖也五傳而至見賢見賢生原

廣原廣生瑩號直菴仕終福建布政司都事瑩生恩  
號簡菴則公之高曾祖考也自原廣而下俱以公貴  
屢贈少傅兼太子太傅禮部尚書武英殿大學士曾  
祖妣嚴氏祖妣余氏妣鄒氏俱屢贈一品夫人正統  
己巳十二月二十八日甫遷新居而公生直菴公因  
以為公名後字之曰于喬學者稱為木齋先生直菴  
在閩治盜多開釋無辜人謂其必有後及公生而聰  
慧異常年數歲屬對即有音句且志趣不凡皆以遠  
大期之且曰他日名位視晉太傅宋少傅蓋不多讓  
况當天下全盛之時其勲烈之隆殆將過之也成化

甲午鄉試為第一人乙未會試為第三人廷試為

一甲第一人授翰林院脩撰奉詔入館進學勤而

且謙為諸元老所重御史某驟陞都憲臺中循例請

公為文以賀峻拒之衆遂知公正直不可妄干矣辛

丑同考禮部一甲三人其二皆公所取士也人咸服

其精鑑焉癸卯冬滿九載陞右春坊右諭德甲辰冊

同考禮部孝宗皇帝毓德春宮慎簡侍從首及公

乙巳充經筵講官丁未孝宗登極推恩官僚陞

左春坊左庶子兼翰林院侍讀仍加俸一級初開

經筵奉勅為日講官與修憲廟實錄內侍郭鏞

公均六府之役其輕重盈縮一視貨之高下里  
書奸莫能售民皆便之弘治癸丑擢湖廣道監察御史奉命按山西復按宣大所在白別賢否裁抑貴勢  
風采凜然陳邊務數事皆爲上所嘉納又奉命至遼東覈實邊儲諸宿蠹剔抉殆盡兵出宣大受紀功  
之命人不敢請寄冒賞尤以爲難比還陞淮安知府以父憂歸服除改知鳳陽不兩歲積備賑之未至萬  
餘石正德丁卯陞浙江按察司副使時逆瑾竊政欲  
去夫阿已徃徃假他事羅織爲罪而討米以困之公  
所罰二千餘石然竟不肯少挫以阿瑾意庚午陞按



察使尋陞布政司右布政皆有政聲辛未陞都察院  
右副都御史巡撫山東畿甸賊流入界內公遣官分  
禦多所斬獲嘗荷敕獎勵且有金帛之賜明年賊勢  
益熾至命近臣統諸將以邊兵勦之師久無功言者  
請罪一二重臣以示警公與保定巡撫肅公紳乃俱  
就逮繫獄旬歲賊平始得釋以舊職謝病家居公處  
之恬然未嘗少有尤怨甲戌復起公巡撫寧夏至則  
築垣塹蓄芻糧凡邊之備固有不飭嘗禦虜於花馬  
池斬馘若干虜遭挫衄而遁又禦之於紅兒山五日  
不遇事聞其有征討之陞南京刑部右侍郎已卯

北京戶部右侍郎以母憂歸服除以舊官總督大  
祭隨漕運數事皆利病所當興革者未幾轉左役部  
事乃南遷尋復有中臺之擢其卒爲十月十二日距  
生天順甲申年六月七日春秋六十有一配于氏克  
修閭範封恭人子畧一即偁也女二長適縣學生房  
大有次適國子生劉永阜其葬爲某年某月某日祔  
城西祖塋之次公資稟篤實容觀簡重孝友爲鄉邦  
所稱有時鮮必薦然後入口徐淑人旣老失明公左  
右扶掖未嘗少離兄弟七人家居時日常聚食遇親  
友恩禮曲至口未嘗及人過失有犯亦不與較居官

清慎嚴取與夙夜奉公嘗曰食一日之祿則當修一  
日之職否則太倉之鼠雀失於心安乎蓋遣爲河間  
望族相傳漢有司馬者其大冢至今猶存入國朝則  
戶部登甲科爲郎吏其心存甚厚號稱長者而位不  
肅德故其子孫多彬彬以文學起家而公遂至九卿  
之長以功名終可謂盛矣 銘曰選之在瀛最久而  
著靖難而從肇迹以武戶部繼之遂顯于文厚施未  
食委社後昆維少司寇荐升臺省至公益大爲卿之  
正公推東郡早以能稱臺察之擢大振厥聲乃牧乃  
監乃撫齊魯才以事見惠施斯溥盜不猝得欲齊以

兵預慮軍興或乏欲加南方折銀每石三之二公曰  
先朝以官田稅至重故立折銀以寬之今若再加民  
不堪命矣盍節用以紓之乎虜騎尋遁國用不乏其  
事遂寢時 視朝稍晏諸司章奏或有不報者無以  
工役頗繁公累言之皆見 采納且有玉帶蟒衣之  
賜癸亥會典成陞太子太保禮部尚書武英殿大學  
士武岡蠻寇平 賜俘奴一人甲子以災異辭乞避  
位不允 孝肅太后崩禮官預擬輿 孝莊太后並  
祔 太廟公請 命集衆議以正典禮尋別立奉慈  
殿祀之時承平既久政漸寬弛而近習怙侈尤甚有

齊玄者奉使武當山欲載激澗楊清便宜行事等語  
千 勅中遼東守將張天祥奏殺冒賞近倖欲出庇  
之公皆執不可觸 聖怒不卹也內府各庫及諸倉  
場馬坊蒞事內臣多作奸索賂民不勝其害而御馬  
監軍士自以禁旅不隸本兵虛名冗食莫敢誰何其  
弊尤甚一日忽 召對命通行禁約且令所司搜剔  
弊端嚴立科條有犯者必懲不貸皆從公之請也公  
知 上圖治甚切委任甚隆思盡革諸弊以肅政化  
若軍匠之曠缺戶口之衰耗以及屯田鹽法馬政等  
事將漸次修舉以復舊章 統緒而 宮車晏駕矣憂

權匪我實罪秩弗我鐫旣仆而興往殿西鄙均佚而  
還國庾是溢秋卿南遷烏府北旋惟

聖天子簡用才賢弗究以殂知者所惜我揚其休載  
于茲石

明故資德大夫正治上卿南京刑部尚書致  
仕贈太子少保吳公神道碑銘

公諱洪字禹疇姓吳氏居吳江之六子橋已十世矣  
曾祖紹宗妣湯氏陳氏祖昂父璋俱以公貴贈中順  
大夫太僕寺卿祖妣陸氏妣施氏俱贈淑人公少穎  
拔年十二補縣學弟子員動必循禮嘗與同舍生秦

詔下屬司開讀旁近富人欲招致宴飲而其詞涉倨  
同舍生以貧故弗校公曰此非所謂嘽爾之食耶謝  
不往學官有過嚴者諸生至懇于御史欲逐之公曰  
師與父同可叛乎卒不署名於是識者已必公爲遠  
器矣年二十四舉成化辛卯應天鄉試又四年登乙  
未進士科初授南京刑部主事歷員外郎郎中諸所  
聽斷都人無不屈服而疑獄大司寇必屬之公公恒  
存欽恤因病輒捐俸爲糜啖之丁未陞貴州按察司  
副使南都卽屬有此遷實自公始蓋冢宰李公裕在  
南臺知公故也未幾以內外艱居喪五年癸丑服闋

世者有遺恨焉時己丑五月也 上大漸召至御榻執  
公等手諭之曰朕在位十八載所命相惟卿等數人  
皆與朕相知朕今弗興弗悟其善輔 嗣君嗣君聰  
明仁孝可勸之進學無忘朕今日之命也公等悲慟  
而退 武廟登極勅加少傅兼太子太傅餘秩如舊  
纂修 孝廟實錄兼總裁官初開 經筵 賜冠帶  
衣履蓋追念 先帝遺命付託之重待公等甚厚但  
近習蠹政漸不可長戶部尚書韓忠定公率百官伏  
闕論之賴公等主張於內將寘諸犯于法會事預泄  
遂不免公等皆不能安于位矣十月一再引疾乞休



遂 凡之賜勅給驛月廩五石歲隸八名仍 賜金  
幣襲衣公等既去吏部尚書焦芳入閣而太監劉瑾  
擅權於內芳急于倖進憾公嘗舉王文恪吳文定二  
公而不及已瑾又以公等先嘗裁抑其黨及今廷論  
之故尤切齒焉二人乃深相結納欲甘心於公因遣  
偵卒四出伺察公事竟無所得會鄉人有以賢良應  
薦者瑾謂遠 詔格以為公咎與劉公俱褫職又矯  
旨令公弟武選貢外郎迪致仕子編修不除名且欲  
追奪公 誥勅會瑾敗而止公之法倖也臺諫交章  
奏留皆逮繫詔獄備遭慘毒至死不悔亦可見天

改廣東巡視海道海濱素稱利穴或攝醴政則亦  
私其羨利而商以遲留反受颶風之患者至於秋毫  
無犯弊革且盡越人歌之御史王公哲欲葺諸公署  
而費用無從出籌之公公曰鹽司有舊引若干舊爲  
權豪所專不及于商今請以給商可得錢數十萬其  
事濟矣如其言而費遂給中官守兩廣者令四驛各  
以一舟聽役舟散又令輸金已而內徵之民蓋不堪  
御史汪公宗器將葺之且欲追所得之金公曰往者  
不可追追之已甚况未必能追乎第自今釐正勿病  
吾民足矣如其言而中官帖然有叔姪同行異宿其

叔宿樹下爲漁人所殺投池中姪意其宿于別館也  
訟館人及池旁居者數家械繫且死衆莫能辯公以  
計廉得其情乃以漁人償死盡破械脫諸寃者人以  
爲神官軍濫殺邀賞諸死者之家以寃聞遣廷臣按  
驗公與焉悉心推訪盡正濫殺者之罪尤尚儒術所  
至進諸生試之凡經公賞識多中高第己未陞福建  
按察司按察使瀕行有閩帥以犀珠走間道爲餽公  
謝之帥曰公去矣某無所干且人無知者何損公名  
公曰若意善矣然非知我者也卒不受閩俗嚮訟公  
聽之必以其情民率悅服明年建寧延平大水民食

人心不容泯滅矣公既歸瑾意叵測人皆危之  
曰天佑皇明我當無他不見劉元城之事乎遂  
之裕如日與客圍碁賦詩以自娛若不知有憂患  
者常嘗大饑出粟以賙貧乏旅黨鄉閭賴之祠堂成  
每旦必具衣冠率子孫焚香恭謁忌辰必茹素祭物  
豐潔其儀一遵文公家禮俾世守焉庚午瑾誅詔  
復職致仕乙巳今上登極臺諫連疏薦公遣行人  
齎勅存問復官廩與隸如舊而增其數焉武選君  
起為叅議編修復任公遣正介謝溫旨褒答詹  
為中書舍人時徐夫人卒正乞終制仍賜祭葬如

例癸未復命有司時加存問丁亥二月遣行人陳侃  
齎勅起公于家且命鎮廵藩臬敦請上道十月  
抵京勅進戶部尚書謹身殿大學士初以棄病將  
乞休曾具疏舉公自代宏去而遂菴楊公又以公薦  
意若虛元佐以遜公者天下皆相慶公復入而賢遂  
菴之能讓及公至京而遂菴以官視公為尊不肯處  
公之下乃竟違初志與論頗少遂菴然公盛德不與  
之較也公在舟中嘗具二疏大意以安靜寬厚為本  
及入朝自度衰年且難徇時力求生還遂不果上  
上之待公甚隆嘗以天寒免朝參以除夕

興行製諸詩以郊祀 賜錦織大帶以疾在告遣太  
醫視藥餌遣中官 賜酒米少間則遣鴻臚卿趨出  
視事而公竟以疾辭 上察公誠懇特從所請諸凡  
恩澤視前加厚焉中書奉 旨護送以歸少卿亦欲  
請行公曰汝方侍日講豈可卹其私宜盡心職業勿  
以我為念也公歸適生玄孫五世相見人以為難已  
五九月病頗亟寓書二子以不及見為恨會中書以  
疾請告少卿亦侍母還相見甚歡疾遂愈又明年辛  
卯二月十八日乃考終于正寢享年八十有三訃聞  
上震悼輟視朝一日贈太傅諡文正遣官諭祭者九

遣工部主事羅餘慶治葬事葬以是歲冬十二月十  
有八日葬在杏山之麓與徐夫人合夫人出同邑潞  
塘巨族處士諱旻之女賢淑可範累受一品之封子  
男六長即中書老成博雅無忝世休方以翰墨供奉  
內閣次即少卿以進士及第入翰林累遷今官德望  
文學推重于時可以繼公相業為公仲弟于五公後  
次豆次豆蔭補國子生為公季弟方伯石厓公後次  
至次亞皆郡庠生女二長適提學副使馮公蘭之子  
汝才次適都御史宋公冕之子惟昭孫男八女十曾  
孫一即敏行玄孫男一公器宇豐厚風神秀朗是者

知為壽俊元臣其忠誠端慤始終不渝所謂清白之  
節百練愈精剛毅之氣萬人必往誠如聖諭其學  
以明義理為先為文正大溫厚不事雕琢可以垂之  
不朽在內閣時劉公敢於任事而資公之謀斷李  
公長於為文而資公之典則公可否其間不阿不激  
同寅協恭所以輔成盛治者端在是也宏在翰林侍  
公最久凡此皆身親見之倏忽數十載矣赫赫如前  
日事感今思昔惟以永嘆衰病侵尋舊殖荒落莫能  
聞公遽美姑敘述大都俾刻于石而繫以銘銘曰  
恭惟純祐命我神皇明至於孝宗實撫靈輿經



圖治匪情屬精孰其輔之二三名卿公起南服魁于  
天廷翊學青宮外屬聖情遂膺簡推你我股肱  
惟時篤恭竭其忠誠裁抑倖濫百度惟貞十有八年  
顧命是承爰輔嗣皇明勗豐乘成功弗居萬景  
冥官監瀆經竒禍是攬天父乃定既困而亨今皇  
紹統大化一更乃遣勅使存問于庭恩數稠疊  
類彼救寧安車載迎為時保衡公弗時徇力辭寵榮  
令德眉壽全節完名亦有哲嗣克紹芳馨如呂如范  
號與同升杏山之原歸休城下帝有卹恩貴于泉  
門崇碑戕戕顯刻茲銘庶幾不匱惟賢可徵後千百

生授南京光祿典籍調蕭山縣丞次崑學生女二長  
嫁副都御史徐源之子柒次嫁副都御史毛埕之子  
錫疇孫男十一人邦棟邦柱邦模邦楨邦本邦杰邦  
斐邦榮邦楷邦材邦 女八人公訃上聞詔禮部賜  
二祭工部爲營葬事復贈其官爲太子少保錫誥命  
以寵嘉之山卜以歲之閏十二月六日葬公于邑西  
梅里村虛字圩祖塋之次而屬同邑給事中沈君漢  
狀公之行來問予銘將刻之墓道焉予伯父少叅公  
諱瑄與公同年進士蓋有世講之誼而予昔二禮部  
又同朝素辱公愛於銘安可辭 銘曰古有不朽在

於所立曰德功言各居其一惟大司空以立自期由  
童而白其志弗移貧吾難侮師不可叛卓哉斯言蓋  
方羈貫卽曹莖仕迄於爲卿惟清慎慎耻利之征德  
則多有其功可數歷廣歷闕威行惠布獄以情斷人  
服其明事以權濟人服其能叙遷及我寧遠無近法  
守在我寧忤無徇奉身而退其樂也全繼志以子祐  
我者天高朗令終卹恩旣渥虛字之圩有碑嶸嶸叙  
述終始吾銘是錫公新自辛酉世其傳

明故光祿大夫捧國太子太保戶部尚書贈  
特進光祿大夫太傅謚忠定韓公神道碑銘

士有負正氣懷直道憤世嫉邪以身犯難嬰龍鱗  
虎尾不少顧恤雖陷危瀕死得奇禍於一時然高風  
大節天下仰之後世頌之視彼脂膏典泯喪名辱身  
以苟目前之富貴者其品流區別也相十百况天定  
勝人剝終必復其名位福履分所當得者卒之若持  
券取償無一缺焉豈非所謂君子以得福爲常而得  
禍爲不幸耶求之於今則公庶幾乎無媿於此矣當  
正德之初中官劉瑾等嬖於武宗滋肆蠱惑潛移  
政柄公時爲戶部尚書曰亂其始此矣爲人臣子忍  
坐視而無言耶率百寮伏闕流涕請誅瑾等武宗

幾悟將以瑾等寘于理公同列有乘時規相位者與瑾等和應害其成瑾愈肆遂入中樞賞罰黜陟悉由已出銜公入骨髓矯詔罷之給事中徐昂上疏救公瑾黜昂再鐫公秩尋令以冠帶閒住其子高唐知州士聰刑部主事士奇皆黜爲民瑾怒未已乃假公在部時計簿有遺失者以爲公罪遣官校械繫至京將煅煉殺之公在獄與司馬東山劉公倡和如平日瑾吹求旣無所得乃矯詔勿擬公罪罰輸米千石又緣他事羅織而罰之者倍之自是家業盡破幾無以爲生越五年瑾誅有詔還公舊職廷臣薦公百疏而瑾

黨尚任事不行 今天子嗣極憫公守正罹害賜勅  
特加公太子太保階光祿大夫勲柱國錫誥贈  
其三世從蔭孫一人爲光祿署丞及公捐館訃聞  
上悼念不已再賜誥贈特進光祿大夫太傅謚忠定  
仍遣官諭祭營葬嗚呼公以孤忠報主耳受奇禍  
一時縉紳莫不爲公扼腕而彼惡直醜正之徒則或  
傍觀竊笑以公爲不智其甚者忿公異已且從而下  
石焉其亦可慨也已然貞松勁栢挺立於歲寒之後  
完名盛福公卒兼而有之非公之所立無愧於天無  
負於國家曷克以臻茲耶公以某年某月某日卜

葬大錫溝之原士奇與其從子廷偉衰經詣予欲一言銘公墓道予素荷公知安敢辭公諱文字貫道別號質菴姓韓氏其先世爲相人蓋魏公之裔也譜稱七世祖諱永值金兵之亂去相徙居山西之洪洞於是爲洪洞人曾大父諱昌祖諱淵父諱肅皆以公貴贈光祿大夫柱國太子太保戶部尚書曾祖妣張祖妣李妣吉贈皆一品夫人公將生吉夢紫衣人抱送文潞公與之因名萊幼負奇質才思溢發旣長從太史襄陽邢公遜之遊學益淵博領成化乙酉鄉薦登丙戌進士第初拜兵科給事中持節封韓府高平王

諸魄遺悉不受會左都御史王越總邊事徼功啓衆  
率同官列其罪狀又論薦前冢宰李公秉司馬王公  
竑可大用語涉宮禁純皇帝震怒逮至文華殿考  
掠幾死陝西紀功郎中張謹疏總兵等官殺降罔  
上命公往覈之率以情之輕重具實還奏人服其公  
乙未陞右給事中直言爲當道所忌戊戌蒲考始  
陞胡廣右叅議提督大嶽大和宮分守荆南談者以  
用非其地爲公負屈而公處之裕如動於其職分守  
中官與其下皆嚴憚欽戢境內賴之又稽覈諸宮羨  
銀易穀割庾以爲荒備越三年用巡撫吳公克誠薦



改理司事會九溪酋長白嘴鼻與隣境爭地相攻撫按屬公往視其爭遂息歷七年以右轉左聞者駭然未幾以外艱歸弘治戊申終喪赴部冢宰王端爾公知公久滯陞山東左叅政濟南之俗乘旱輒聚衆發人募而暴其尸謂之打魁公曰是甚於尫巫之暴矣亟下令禁之越二年庚戌用宗伯倪文毅公之薦陞雲南左布政使先是土官襲代旁反恃賄與力輒相仇奪土吏滿兩考者例不赴京復於境內轉相叅補皆宿弊也至公始立法以釐正之越三年癸丑陞都察院右副都御史巡撫湖廣地方兼贊理軍務武

昌諸郡歲歉䟽乞蠲逋賦以蘇窮民乙卯改撫河南  
值懷孟以北旱饑令所司發銀賑貸復竭誠雩禱致  
雨歲乃大熟丙辰轉戶部右侍郎丁巳以內艱歸庚  
申終喪改吏部明年轉左銓綜平允士論浩然歸之  
癸亥陞南京兵部尚書叅贊機務先是會守備中官  
議事多遜避不發一言或探其意嚮以爲可否公曰  
事之可否有理與法吾惟以無私處之可拱嘿爲避  
禍計邪遇事輒昌言商確聞者無不敬服時值水旱  
相仍民饑而死者相繼公移文戶部欲預支三月糧  
以平糶價所司疑未決公請以身任之竟發米帑六

萬石民賴以安甲子改戶部尚書於是敬皇帝勵  
精圖治公感激遭遇早夜勤瘁期於足國早朝畢嘗  
被召直至榻前諭以鹽法廢弛邊餉空虛屬公稽考  
舊制及諸沮壞之弊公䟽陳六事極其剴切皆嘉納  
之時監軍以征虜宿兵近塞日費不貲戚畹中貴往  
徃侵民田窩占鹽引黃冠又以左道禱禳蠹耗帑積  
公銳欲抑之雖怨謗弗恤也蓋公自筮仕以來數歷  
中外幾四十年凡職所當爲爲之未嘗不盡其力晚  
節末路以身殉國尤極忠懇不以利害得喪易其所  
守凜乎有古大臣之風此後生小子所爲仰其聲光

嗟碩慕而自有不容己焉者也公將逝雷電交作  
天色晦冥乎者如市莫不悲號哽咽蓋嘉靖丙戌二  
月二十三日也距其生正統辛酉九月二十六日享  
年八十有八配張德與公合先公三十年卒贈夫人  
子男三長即士聰中壬子鄉試以知州致仕次即士  
奇登壬戌進士今爲湖廣左叅政季士賢中乙卯鄉  
試授開封府同知以乞侍公養進階兩淮運司同知  
致仕孫男七廷彥以蔭補國子生授光祿寺典簿廷  
臣中壬午鄉試次廷瑞即所廕署丞者也廷采國子  
生廷偉登丙戌進士今爲南京戶部主事次廷諫廷

選俱書舉子業孫女四長適國子生郭理次適李旦  
次適副都御史張潤之子元憲一尚幼曾孫男五曰  
景休景維景愈景復景偓曾孫女三長聘御史南全  
之子有考次聘都司副斷事郭鏊之子維屏一尚幼  
所著有質菴奏議質菴存稿歸田稿藏于家公風骨  
玉立疑重和粹有后天成加以奮勵充養學知原本  
動必志於遠大故平生所立卓然不苟卒以勲業振  
耀爲時名卿其子若孫又能奉公之教而世其業公  
可謂死而不朽矣 錄曰士貴自立得終爲難志不  
可挫斯謂之完宋有名臣曰魏國歸社稷賴之如何

初終一節固避險艱公豈其裔嚮往夙端以耳  
許國丹心桓桓起家青瑣乃歷屏翰迴翔臺省衍衍  
鴻鵠國有桑雍公嫉其奸曰此巨蠹治亂所關首倡  
百僚伏闕叩鐸危言剴切烈甚輿棺剛大之氣可激  
懦頑我道蓋是寧我失官如彼砥柱屹于狂瀾壁立  
萬仞可望莫攀 聖明御極進公穹班褒忠嘉直恩  
綸屢頒麟袍玉帶鶴髮朱顏聲光燁然洋溢區梁如  
彼松柏挺于歲寒風飄雪虐不摧以殘抑有子孫如  
玉如蘭趾美續聞世其衣冠公死不朽旣頌且安忠  
定之謚在公無慙歸然堂封過者集觀

明故鎮國將軍遼東副總兵韓公神道碑銘

公諱斌字廷用姓韓氏由遼東寧遠衛指揮使屢用  
薦爲將守邊其在遼陽最久有功最多 今上二年  
公老而卒且葬幾十年矣遼陽人思之頌公廟食其  
土 詔可之額曰褒功都司官歲以春秋謁祭其不  
朽之立蓋無待於金石矣公仲子知建昌府轍猶恨  
墓銘之刻太緩也因勲部夏君子中遣使來請予備  
公以忠自樹而嘉建昌君之素諾而銘之公少孤年  
十六襲職莅其衛事已若素練焉者嘗禦虜小團山  
能突陣馘其一酋以敗之天順初陞遼東都司都指

揮僉事備禦寧遠虜復入小團戍將領官軍陷焉公  
馳赴手刃數賊圍遂解時義州屢失事總兵官成山  
伯王琮被 敕責恐甚公請當先自効琮以五伯人  
屬公拒賊遇之于八塔兒賊衆四千圍我關其一面  
或幸焉公曰是將誤我不可忽也令營中聯馬死鬪  
而出且擒一人斬首十三級獲馬五百捷聞受綵段  
白金之賞尋奉勅守備義州協贊懷柔伯施聚築堡  
爲耕牧護坐寧遠誤事貶二秩巡撫都御史滕昭巡  
按御史常振刑部主事丘霽惜其才交章薦之禮送  
至京命署都指揮僉事充叅將征四川未行捷至留



京營督練尋充左叅將分守延綏西路時北虜毛里孩擁衆十餘萬入定邊營公率五千騎伺其歸擊之環縣擒二人斬首六十七級比收兵虜衆猝至圍之數重約出將蹂躪焉謀以告公度衆寡不敵難久支出不可緩今我軍悉衣白以自別或謂東南圍薄可出也公曰若然虜將弱我而乘之矣乃向虜衆奮呼而出有所斬獲公戒勿顧比出猶存七級焉已而虜復入花馬池有衆三萬公度其難以戰勝列車城下出精兵三千陣車前賊知有備不敢近成化三年建州賊數擾邊都御史李秉薦公武畧出衆深知夷

情勅改充游擊將軍馳驛還遼領右哨從出清河抵其巢斬首二百餘級俘男婦一百七十餘口論功實授都指揮僉事以遊擊分守遼陽諸地明年改充副總兵分守開原兼提督遼陽鎮巡諸官以爲遼陽東南境與建州接守將非專任弗可請復遼陽公與衆籌必堡兵而後能守親歷緣邊相賊所出沒處創東州馬跟單清河鹺場穀陽及鳳凰鎮東鎮夷草河湯站等堡密烽墩增戍卒自撫順迄于鴨綠南北幾千里聲勢聯絡居民因得墾灌莽田之屯利日廣而虜深入之謀殺矣九年賊屢犯廣寧總兵官歐信會公

出義州直抵興中斬首六十二級論功陞署都指揮  
同知廷臣會推天下武臣可大將者三而公居一焉  
賊嘗入清河堡匿深谷中以數騎薄城挑戰將佐爭  
欲擊之公曰此餌也勿貪已而伏果起公乃背而陣  
番休更戰賊旣遁復出鹺河十岔口等處搗其巢斬  
首百餘賊大舉寇駿陽而還也邀其歸路值淫雨連  
日令士卒下馬徒行多怨者公曰馬疲則遇賊不可  
用矣我豈欲勞人手至將在峪部分將士舉號火縱  
騎追奔馬有餘力遂斬六十三級公紀律嚴明下莫  
敢犯頗中流矢能權詞以安衆心部卒有被矢中目

者亦能堅立不移拔鏃還射倉猝遇敵必謀而後戰  
緩急合宜前後八九年屢與虜鬪未嘗敗衄爲同事  
忠功者所中生累復貶三秩知者寃之十五年撫寧  
侯朱永等受命征建州公及總兵官侯謙復爲右哨  
出鴉鵝關抵泊珠江斬首一百五十級俘男婦無算  
八十口虜酋有宋管只八者據山險欲夜劫公營  
公令譯大呼曰韓馬法在此汝尚欲爲偷乎馬法者  
虜所謂大人也賊衆頓一見公公免胄示之背書  
大拜馬前請降軍遂還公度暮至黑松林賊必有後  
邀將約譙軍其地以待之而譙奕約先歸英公率黑

極林賊樂更出公急令立營一麾而定賊不能擾其  
料敵應變類如此撫寧即軍前奉 欽給勘合陞公  
指揮使捷奏 上以公當一面復陞都指揮兼事明  
年北虜侵開原而建賊復擾遼陽時公遭謫淹繫  
上素知公薄其罪釋而用之俾職任皆仍其舊且命  
亟行北虜聞公至即遁去十七年公乃詣撫順關招  
逮賊卜花禿等以恩威諭之皆叩頭誓無再犯公知  
虜情多詐嚴兵鹵場等堡以備之累以擒斬功受賞  
二十三年追勅祭頗虜寇至半邊山獲原掠人畜而  
還 上念公久勞特賜蟒衣亦襲次理寺丞奇公

政使田景賜先後各薦公可主將廷論多歸之者而  
公浩然將老矣弘治二年公確辭至再遂老焉於時  
年甫六十日置酒會親賓以爲樂時政物評未嘗口  
得後十有一年得年七十有二而卒蓋弘治十三年  
七月二十二日也即以其年九月二十子自葬遼陽  
城東高峯山之陽公之先爲山後興州人祖原福洪  
武末占籍密雲考泰從

文皇帝征討歷陞東勝衛指揮使調守遼東選泣寧  
遠衛事以公貴皆贈鎮國將軍祖妣妣贈皆夫人配  
楊氏封如之楊氏有男四人長輔翼定遠中衛指揮

傳署都督僉事佩印充總兵官鎮守遼東兼中  
府僉書蒞事次軼次轍即建昌君以庶能聞次軒女  
一人嫁前屯衛指揮同知鄧俊側室王氏有男三人  
軼習兵策輪太學生輅庠生孫男六人長重由武舉  
歷陞署都督僉事今佩印總兵官鎮守遼東次玠璽  
玖瑞璽曾孫男三人承恩承慶承訓公生長邊疆  
長七尺有咫膂力過人精技射多智畧善以寡擊衆  
然不恃已長每戰必勝參謀而采用之與士卒同其  
苦嘗雪夜追賊道卧以俟禁毋動火廿軍未食不輒  
先稚童儒生遇暇必延致誦說史傳常恨餐不逮

其母至孝家庭之訓一以忠義爲主故武功之立  
爲東陽世將而保障之澤垂於永永至月祝而俎  
豆之非其志業有大過人者烏克臻茲茲其可銘也  
已 銘曰維將在遑實庭所恃厥倚維何曰惟忠義  
武弁如麻匪無勇智孰類韓公桓桓厥志結髮行陣  
東陽西鄱謀定乃戰不專力恃銳鋒所向萬衆披靡  
獻馘與囚一皇心載喜屢用多績以先庸士刻薦交  
騰英聲大起遭諛而跌卒莫我棄意陽之防開拓千  
里中居者狎外覘則悸損我亡矢益我屯利無窮之  
功粵自公始公弗廟食我能但已性斯常斯公幾祖



補提將之符矧公有子抑又有孫是述是繼文武忠孝美能世濟有穹者碑在墓之隧我顯誌之爰示無止

墓表類

翰林院侍讀學士徐君舜和墓表

嗚呼此吾友舜和之墓舜和才氣英銳欲以博雅追逐古人而又憤世嫉邪過於剛直蓋所謂劬書甚嗜笑見惡逾探湯者其病也予屢往候之見其陳書滿前猶爲久酬應不輟問及時事必愀然不樂而於其子之安否弗委之定數無所繫累予覺其形神瘳悴

心竊憂之然又意天之生才殆非偶然况舜和之才卓犖奇偉尤不易得造物者必有以栽培而成就之不但已也今則已矣嗚呼孰謂才如舜和而止於此邪舜和之子永年將扶柩歸以某年某月某日葬于某山之原少師西涯李公既畀之銘以掩諸幽矣而又即予圖所以顯刻諸墓者予素知舜和不忍以無能爲役辭舜和歸後姓徐氏吉安吉水人高祖子暄曾祖彞倫祖少安世有隱德至舜和貴乃封其考闡齊爲翰林編脩母曾氏爲孺人舜和生數歲能日記數千言姻家劉靜學多藏書舜和遊其門讀易之暇

旁及百家才思溢發成化丙午中江西鄉試第二人  
再試禮部不利入太學益務爲精深浩博名隱然動  
京邑弘治癸丑中禮部試入奉大對故相丘文莊公  
得其文奇之歎賞不置遂賜進士及第第二人入翰  
林爲編脩磨礪浸灌未嘗少懈六經十九史下及諸  
大家文集其切要處舜和輒能成誦至於國朝典故  
時政利病與夫天下之山川險易物產豐約風俗澆  
淳以及人情事勢常變真偽一一諳練每論及口如  
懸河爲詩文水湧山出若不經意識者謂其宗尚歐  
陽昌詞健自不可及嘗同考禮部試事者再已未

今諭德倫君伯疇乙丑得今編脩董君文玉皆實  
首選他所識拔尤多名士與脩通鑑纂要宋元二代  
之事出舜和剛潤者十五六上初即位命充正使  
頒正朔于朝鮮服視一品及境譯告國王不郊候迎  
詔不道跽舜和援古禮稽今制反復辨折必如儀乃  
止王屢遣陪臣代質疑義剖折不遺却其餽獻歸橐  
無朝鮮一紙其人皆感媿屈服與脩孝廟實錄去  
取必當是非不謬充經筵講官舉止詳雅詞色溫  
歲丁卯值纂要成故事纂脩官例得進秩於是遵瑾  
專政怒翰林不已屈摘其中字畫小小譌舛者以爲

罪陰險小人又從而從諛之乃皆奪俸兩月舜和與  
馬明年閏齋棄養舜和奔喪歸未幾實錄成瑾怒未  
解史官當進秩者恠不與又謬謂文士不諳世故擿  
其所深惡者十餘人改部屬擴充政務舜和雖家食  
猶不免由侍讀遷南京禮部員外郎蓋舜和初奉命  
教內館嘗與瑾邂逅至是瑾欲牢籠才俊冀舜和一  
謁通而舜和屹不爲動瑾以是銜之故也庚午服除  
起闕未至改南京兵部會瑾誅言官請復舊制舜和  
始再入翰林爲侍讀今年二月命清理武官貼黃特  
旨節逆酒力戾入開西治事既而內閣以翰林春坊

員請以資望之當遷者補之舜和次當爲侍讀  
學士報至欽曰命也明日竟卒永年以其情請于朝  
吏部謂擬陞已有俞旨且疏其次所當得命如初  
亦異數也舜和生成化戊子正月九日其卒以正德  
辛未五月十一日年僅四十有四配趙氏封孺人側  
室顧氏子男三永年其長慧而知學次有年喬年女  
二長適知府周伯承之子侃舜和事親孝登第後欲  
歸覲格於例乃請告以行與其兄順美友而恭性慈  
仁雖喘蜩之物不忍輕殺之至所交際乃翫髒不能  
少降稠人廣坐中言議英發畧無諱避非其人則一

語不交逆瑾之橫縉紳慮禍及朝夕惴惴獨西涯公  
負天下重望嘗受先朝顧命遇事猶力爭之君子  
恃此而無恐舜和公門下士也出入受教蹤跡不能  
不親忌公者乃并及舜和數輩沮之百計而舜和處  
之泰然所守益確嗚呼使舜和不死假以數年名位  
勲業必不在人下而天遽奪之齋志以歿豈非命耶  
雖然命賦于天即聖哲有不能必君子惟盡其在我  
求無媿而已矣如舜和之所立可以無媿則於其所  
難必者又奚恨焉予是以表而出之後之欲知舜和  
者其尚有徵於此乎

明故江西左布政使祁公墓表

公以弘治丁巳十一月六日卒于位享年六十有四  
卒之又明年己未正月十有六日葬于東莞牛眠石  
金釵嶺之原盖十有三年于茲矣其子戶部郎中敏  
以公墓上之石未有所述也自狀公行即予圖之公  
有惠政在吾鄉予奚容以辭讓爲事公諱顥字致和  
姓祁氏別號巽川其先有仕至銀青光祿大夫者自  
南雄徙東莞曾大父以泰大父振宗考秉剛贈奉直  
大夫戶部員外郎妣盧氏封太宜人公生十有七年  
以春秋領廣東庚午鄉薦天順庚辰始登進士第拜



兵部主事鎮山海關代歸改戶部督餉臨清累陞本部郎中尋陞江西左叅政坐累左遷右旰府知府以太宜人憂去服闋陞山西右叅政歷福建右布政使江西左布政使以終大廷之對傳者謂公宜舉首以其姓與名皆近 英廟御諱於臚傳弗便也乃抑署第二甲第二人成化己丑嘗同考禮部試藻鑑精甚乙未以建儲奉詔諭朝鮮賜一品服前此往者從關人數百陰有所挾以規厚利公不許止土兵三十人從其王迎詔不拜謂故事則然公以禮諭之乃拜館其國恪守使規諸所餽遺悉拒弗顧及遣陪臣入謝

并刻其所爲詩文以獻焉由是聲稱益重朝者石所  
謂邇來無貢舉親爲講授居六載彬彬多秀異之  
士又爲闢屯田除虎患民賴以安撫按之使交章論  
薦三原王端毅公在吏部亦疏引之然公雅尚恬退  
雖中遭挫抑而志操益勵官保立文莊公與公同鄉  
少師晦菴劉公公同年友也知公才可大用而屈於  
下位當是時皆欲薦公才公未嘗急動辭以書甚力  
歷官四十年家業視初仕無所增在江西積紙價至  
三千金病且革或謂公之子盍因脩纂誌書取而用  
之毋徒爲來者所得語聞公戒其妻子曰吾生平愛

名欲無少玷吾即死汝輩若惑於人言而用此金吾  
目必不瞑矣寧歸而餓死可也將易簣猶諄諄及此  
蓋公以清約自守雖隱微之間死生之際亦不少變  
是可以爲難矣配鍾氏贈宜人繼室廖氏子男五人  
長即敏次孜次政次救次敦敦敦皆鄉貢進士女若  
干人其壻某某孫男若干人孫女若干人公最孝友  
弟願領鄉薦早世撫其二女視已女有加焉族蕃以  
大奉先故無祠捐貲創建又買田以供伏臘祭之日  
少長畢會恩誼藹然性好學自少至老未嘗一日去  
書不觀所著有巽川藁使東藁倡和錄寶安雜詠等

錄藏于家嗚呼人之能各有所偏故長於著述者註之以煩劇常病於迂善於剴裁者試之以藻績常病於陋即使二者兼長而操存踐履或有所虧則亦浮華鄙穢之流耳若公者博雅疏通名譽藹蔚庶介之節過澤不渝豈不賢於人哉位雖未滿其德才雖未盡入林然即其所已立者而觀之固足以垂諸不朽而無嫌況於辭君克承厥志學與行皆世其家公之所已施而未食其報者當於此乎酬之公宜無遺憾矣

封南京翰林院侍讀學士奉直大夫吳公墓

表

封南京翰林院侍讀學士吳公之卒且再朞矣而其子克溫始克葬公于邑南篠嶺之原與其先宜人合蓋體魄所托屢卜而後定非敢緩也前葬數月克溫遣人持憲副邵君用之所爲狀自其家數千里走京師屬宏爲文以表公墓宏與克溫舉進士爲同年在講筵史局爲同官而弱女又適公之孫驥於紀次公德誼不可辭願其言無足爲公重者謂當屬之名筆庶於公無歉焉克溫斷斷不可復遣人來督且曰某自廢棄以來杜門歛跡於當塗久故不敢一致書問

惟吾親之教之負爲深懼子所知也而今以是強之人其不謂我爲干進乎宏甚愧乎其言蓋方逆瑾之橫也克溫以骭髀遭說而歸人意公未能無辭辭者而不知公嘗貽書克溫戒毋速進見其歸更以爲榮公卒未幾而瑾果敗朝廷起克溫復其官且大用之而公乃不及見宏於是服公之識而悲之則於克溫之屬又安忍終以辭讓爲事邪公吳姓諱經字大常世爲宜興鉅族曾祖德明妣周氏祖以中贈戶部員外郎妣湯氏贈宜人父王戶部員外郎母徐氏封宜人公少時隨侍京師從莆田顧孟喬氏受尚書之學

同學之士無慮數十百人精敏博雅無能出公右者  
太師徐文靖公時在翰林爲編脩深器重公因以女  
弟妻之及歸游邑庠名益起然屢屈則以其業授之  
充溫不數年遂成進士入翰林而公亦且充貢矣公  
曰吾之志吾兒成之吾可以終養吾母矣雖然不可  
不一面吾君也弘治初齎貢玉北上試即拂衣而  
歸時徐宜人年踰八十而公亦近六十母子懽適旣  
壽且榮鄉邦慕之戶部公爲吏以清白聞其歿時所  
遺田僅百畝兄弟復三分之公勤生節費卒致饒裕  
而自奉甚薄盤蔬盂飯不欲與寒素異因自號爲味

萊子孫未冠及冠而學業未成不許帛衣食肉有服  
涉華美者輒手裂之然志於利濟人以急貸未嘗吝  
前後負公者不可勝數而公終不以是易其心也爲  
人淳樸坦夷晚年與邑之卿大夫高年里居者月爲  
真率會會者凡十餘人皆心醉公德曰是真率者矣  
生平寡嗜好屏聲伎不多飲酒日惟手一編以自娛  
夜必呼燈課諸子誦說經史有疑義輒爲剖析尤善  
論事每取古人所已行者斷之其後成敗無不如其  
言者蓋其才識瑩瑩宜爲世用乃以數竒不遂歟而  
流之於一家君子有遺憾焉然有子如克溫學行器



業卓然自振凡公之所欲爲者克溫能繼承而光大之公宜含笑而往矣公之生爲宣德乙卯五月十二日其卒爲正德己巳閏九月十三日享年七十有五元配徐宜人贈少師燕太子太師吏部尚書華蓋殿大學士諱某之女即文靖公女弟也繼室許宜人太子贊善許公勝之孫皆先卒子男三長儼即克溫今以翰林院侍讀學士起爲南京禮部右侍郎徐出次儉許出次傳太學生側室潘氏出女一許適沈教孫男三長即驥邑庠生次駟次驂女五人長適任圻次適徐文炯皆太學生餘尚幼其葬之年月日爲卒之

年辛未十二月二十六日云

明故坦菴嚴公墓表

崑山沉翔圩之原有二墓合焉蓋坦菴嚴公與其配  
華陳人之所葬也公卒于成化丙午九月二十四日  
葬以其年十二月八日孺人卒于正德戊辰九月八  
日葬以卒之五年癸酉三月十有五日幽潛之德闕  
而未耀嗣子節推君用剛嘗悼念之若有待焉者自  
述事行稽顙以授于宏欲一言表諸其隧且曰孤不  
肖效用干時幸有斗升之祿皆二親之教今養既不  
逮無以爲吾親報矣惟是不朽之圖可復緩乎予受

而讀之其事備而核其文工而不侈以之顯刻固足以傳而無俟於予言矣而君之請甚懇豈以予嘗備史氏銘述懿行固其職耶是則予之所不得辭也公諱宗啓字以誠別號坦菴世居蘇之崑山洪武中以高貲徙實京師後得歸籍于長洲居甫里其父諱能毋施氏也公幼則好文涉獵史傳既冠而羸度難以儒進也乃事廢著取其羸以資奉養遂致饒裕事父母極其孝謹言不敢譁即暑見未嘗袒露常率諸子戲膝前以悅其心父母既歿嫡弟欲求分異公以先世之故語之至于涕泣曰而不聞祖考以來嘗慕昔

明張公藝之風而書其事於堂楹乎且先世兄弟頗  
多猶終身聚食吾與汝僅兩人乃欲析而二耶弟雖  
不聽而公愛之弗衰弟無嗣聽其以所析歸之贅壻  
俾世掌之不貪取其圭撮毋黨死於疫其僅存者一  
姑年八十一子未離襁抱公收而養之老而葬壯而  
婚以爲已任與人交一主誠信狡詐不屑與遊性好  
施假借不能償輒已之歲久散素盈篋率投之火病  
革將終惟以不及葬父爲恨其孝義天性也孺人之  
族與公同邑少端敏精女事父子榮母金鍾愛之擇  
對得公旣歸爲嚴氏家婦孝敬儉勤之德雅與公合

其性亦好施而又欲受之者不至於糜費也其心乃  
愜隣媪有姑之喪貧無以祀每值七授之斗粟壻貧  
月給以食食盡則復給之不過于焉節推君兄弟既  
長拳拳以友愛教之曰而翁之待汝叔道蓋是也彼  
此或少有言愬于孺人孺人必曰某寧有是傳之者  
誤耳及見所愬者又必以所聞委曲開諭使知自省  
其教諸婦亦然以其故子舍輯睦無干里閭中歲家  
頗落節推君遊學無以爲資孺人至晚簪珥以佐之  
見其學有成試于邑常先多士則喜動而言且以爲  
賀賀曰家雖落有此兒殖可待矣坦菴之棄養也

孺人慟哭幾絕且謂節推君兄弟喪貴戚耳毋虛糜  
毋徇俗節推君乃節縮百費克襄大事復奉其大父  
之喪與公同窆以成公志自是日鼎諸孤欲銳志以  
光門戶公雖早世而男有立女有歸家有餘慶宛如  
公存親黨賢之皆歎羨孺人能代公以有終而無媿  
也公壽僅五十孺人之壽多公二十二年子男五長  
鎧即節推君也次鉞次鉉與鎧皆仕于興府鉉良醫  
鎧典膳也次錄縣學生女一適張節孫男七人重密  
整俱太學生毅爲楚府引禮恪肅恭皆知學女十七  
人曾孫男七人子頃與節推君遊見其襟宇之平夷

履檢之脩飭酬應之詳密文學之優長多非流輩所  
及而其佐理公勤聰斷明決又深得上下之心私竊  
以爲非世積之厚家訓之嚴其賢未必至此乃今得  
公與孺人懿行之詳然後知天下之士未有無所自  
而有成者也公老于布帛無以自見休聞弗章節推  
君有遺恨焉然古之所謂不朽者先於立德而功與  
言次之故曰能脩於身雖不施於事不見於言可也  
公之好友篤于家仁孚于鄉可謂脩諸身而無忝  
矣其文章勲業垂於後又於其後嗣發之然則  
天之與善必久而後定世之爲善者乃欲數數然哉

身外之紛華而急目前之速效可乎史於逸民烈女  
法所不遺予故於公與孺人之行縷縷書之蓋將以  
爲世勸也豈特以慰節推君之哀思而已哉

故中憲大夫瑞州府知府贈江西布政使司  
左叅政鄺公墓表

公以正德十六年十二月十七日卒于家明年公子  
鄉貢士濤澡沐將奉公祔于邑之東阜門先塋乃疏  
公知瑞時討寇之功以贈大司馬覈功載叅賞格謂  
有遺報焉

天子追贈公爲江西布政使司左叅政於是公從子



編脩灝備述公行來徵予表其墓上之石予素知公  
不忍辭按狀公諱璠字廷瑞別號阿陵姓鄺氏其先  
世爲廣東高要人公大父諱福始徙任立父諱觀政  
永海益毋尹封大宜人孕公時海益夢異人以犢角  
馬蹄磨身牛尾書其門覺而公生自幼以穎異聞弱  
冠學於莆陽陳秉善淹貫群籍弘治壬子以書魁順  
天鄉試明年登進士出知吳縣下車即有能名中使  
道吳知公不可犯例給外一無所索或冒貴戚來謁  
勢張甚發其奸并餘黨擬配朱氏子以販漆富謀殺  
弟毋曲庇之官數易弗得其情御史以屬公夜夢所

殺來懇語剝剝含糊莫辨似謂其嫂氏與兄子害之  
公曰是必斷其舌矣明日使人挾其口驗之果然獄  
遂成御史神之邑五萬戶其貧富公輒知之及定役  
叅之里甲不數日而殘亡以不均懇者聞閭富室泥  
甲規避重差詐爲懸鵠狀匍匐庭下公曰君願欲欺  
我若嚮嘗紆紆而嬉於市謂我不能記乎遂慙懼刺  
占土戶蓋公嘗一見之遂不忘其聰明識事類如此  
在吳八年奏蠲羽庭荒山之稅六千三百石渠西廢  
之渡疏晉安歸渾之壅皆便於民間學宮建祿學公  
廉煙蠲拘宇其鉅虎皆加于故以修權貴使轉徽州

府同知吳士民數千伐石紀其遺愛暨至徽公太司  
馬彭公方典郡一見莫逆疑牒輒移決焉武弁之獄  
特貸多數年不決及公至乃決郡俗送葬輿馬咸辦  
自喪家貧者病焉寧緩葬至有三喪弗克舉者公以  
禮刻期諭戒踰月葬者萬計垂成進表入京故事率  
挾營輸之稅利其羨爲道里費凡數百金公卻之道  
聞海鹽憂歸終喪改金華俗囑訟公嘗署蒙郡庭園  
然中人家以厚嫁破產故女多不育公嚴諭之屬縣  
蘭溪民居櫛比素弗戒于火及拓其徯率吾閭諸水  
一窺自是不復延燒邑人因命曰顯公街再德于公

以太宜人憂歸終喪改河南初河南有督驛傳馬價  
于吳者隣盜竊其百金易以磚積封如故誤其所主  
且逾歲公驗諸隣竈有取磚隙與所易合盜遂服  
郵于河南故河南聞公翕然仰之嘗署篆事辨治如  
金華辛未擢守瑞時盜魁陳福一等寨華林擁衆來  
犯公親擐甲胄登譙樓禦之毒矢雨下殪三十餘人  
賊縱火且逼樓公籲天風反賊乃退追數十里多所  
擒獲總制都御史陳金奇之上其功嗣是築城浚隍  
爲固守計又于治東之阜建明遠樓樓建演武亭以  
時訓練嚴賞罰遂多勁卒壬申六月率衆薄華林分

令僚屬營于渚嶺于遠城于南北嶺擻鄉人隨城地  
分戍適獲賊諜斬以徇仍焚近山之聚賊大懼乃分  
寨瑪瑙山仙文嶺公復攻圍之擒斬無算福一等窮  
蹙率妻孥降公即遣降者攻其餘孽而陳于其後鼓  
行而前連大捷蓋大小百餘戰公危死至再僕勤竟  
死之時饒之姚源盜方熾提督都御史俞諫又檄公  
往勦公提兵夜入三十里賊諜知之曰瑞兵至矣相  
戒勿動旦日悉衆來犯公揮兵奮擊斬首數百叅將  
桂勇與公連營亦服公之神速留還瑞盜復百人  
異術憾衆公殲之御史以聞

武宗降溫旨犒獎府面錦江春夏漲輒沒兩厓廬舍  
公廉得其故以市河爲豪強所侵悉力浚之潦患遂  
絕學宮燬于賊完舊新創鍾秀進賢昭文三樓拓倉  
址建官廨庠舍又建筠陽書院延經師以課諸生斂  
獄舍數十楹囚免瘼死置黠吏及奸民于理珥筆之  
風少衰乙亥考蹟北上亡賴子汪鳳等乘間縱橫公  
旋悉磔于市逆濠以親藩佑寵股削郡縣屬邑新昌  
劉氏以富聞濠利其財遣校尉持偽券責償公密令  
抗而毆之一無所得乃譟而之公愬焉公曰彼敢抗  
觀藩何有於郡吏耶某固靖民者華林幸輯而敢激

彼使變乎濠聞恚甚欲致公以洩其怒公峻絕不爲  
所動又喻象賢者以非罪忤濠捕急連及姻友破數  
十家公庇之獲免濠智竭不得逞乃嗾當道罷公公  
曰吾活瑞百萬生靈功成身退抑復何愧當卧視此  
輩敗矣瑞民間公去徬徨君失父母乃建祠肖像事  
之里居數年猶間遺不絕公平生好文所至精于吏  
事而每以儒緣飾彬彬可觀晚歸亦唯以觴詠自適  
建阿陵書院日課一詩一賦然秀發所就未可量  
蓋猶有未食之報云

仕宦幾三十年未嘗厚自封殖與人交洞見肝膈

而言議夾迺風格出塵為政主於愛民終於靡懈義  
所不可其與時忤不阿徇為自全計故雖為逆黨所  
中而君子則深惜之春秋僅六十有四配宜人徐有  
令德繼曹子男三濤澡汴也女三適張芝韓永禎張  
繡孫男四人渠樂榮臬女二嗚呼學貴有用仕貴有  
澤加于人也而惟郡縣親民施澤為易顧世之志於  
遷化者視令為徒勞孰能俯首抑心勉脩職業以符  
其所學而利其人哉公初理大縣更歷名郡明足以  
燭奸才足以應變本之以誠持之以慎用之以勤墮  
其所賦職有成績蓋無負於所學無愧於古循吏之



義大重於力抗逆濠過其虐燭卒不能流毒於瑞之人斯其所尤難者使向之吏於吾土者皆公而人謂不是以折奸萌而弭禍變耶予用是賢公而表之

明故贈承德郎刑部河南清吏司署郎中事  
主事質菴唐公墓表

質菴唐公以正德壬申六月十四日考終正寢而  
以卒之明年十二月二十六日葬于廟涇之原矣越  
五年丁丑乃以子錦貴蒙恩贈刑部郎中於時錦用  
爲擢憲副典江西學政而予方謝事里居持事狀來  
前表曰先公之不朽將以托焉乎雅厚憲副弗

辭公諱琛字廷璧其先爲靈石人高祖諱英國初來  
監上海烏泥涇稅因家上海曾祖諱文祥祖諱以忠  
考封衢州府知府諱昭妣恭人張氏公生而警敏恭  
人之卒甫三歲能如禮躡踊見者異之稍長究心經  
史通毛氏詩談歷代君臣賢否世道理亂如河懸珠  
貫視榮宦可指取無難會仲兄拙菴登甲科縻于官  
守公念衢州之養不可缺也乃棄捐舉業旦夕娛侍  
親側弗忍遠去四方珍味惟其親所嗜必極力致之  
事繼母沈恭人如其所生衢州病革公日侍湯藥夜  
不就枕者數旬蟣蟲至叢生衣帶間不暇顧也衢州

且屬續曰吾兄之孝至矣天必昌汝後以爲汝報公  
孺慕柴瘠終三年其戚如初事二兄友于甚篤拙菴  
由諫苑至都臺歷官三十餘稔一不以家務累心寔  
賴公經紀之其後致政家居公日與觴詠爲樂怡怡  
然可以忘老衢州之卒二庶弟並幼公撫教周至卒  
皆有成人謂如公之厚於昆弟世亦不多見也其處  
宗姻率從厚與人交然諾必信在儕衆中方嚴簡重  
不爲苟徇不肯同俗作軟媚語有過必加呵責即其  
人面頸發赤不少容族有凌孤弱而利其貲者公責  
以大義其人懼而寢里有爭必赴公愬焉出一言爲

訓內瓦罔不悅服性好施予以急告者必隨事周之  
值死喪輒卹之搆成化間以歲歉勸分賜爵公曰吾  
拘於分而澤弗得施此不足以行吾志手捐貲助賑  
例援金山衛指揮使秩三品服金紫武弁爲寧階而  
公恒自韜戢弗以爲榮諸子學即躬自督之期以文  
顯弘治丙辰憲副登進士出尹東白公曰今在愛民  
非公庶無以廣吾愛也汝其勉之憲副如公教乃以  
稱職召入爲兵科給事中時賊瑾專政欲箝制言官  
公曰寧忤權倖不可得罪名教憲副如公教竟以持  
正外斥其後瑾誅而憲副起爲南京工部主事恩詔

下公可貤封以棄養不能逮矣公生宣德己酉正月  
十七日享年八十有四配徐氏莊順端靜克修內政  
先公三十七年卒繼趙氏與儷德子男五長銳工部  
司務次銑次鑑邑庠生次鐔國子生次即憲副女五  
其壻爲李榮周暹顧源清盛珊陳熊孫男十五數徹  
徹文國子生徹庠生吳鑾國子生稷致敏敏交熒爛  
斌女八其壻則陸軒領棟周盛時談寶之戴愿秦文  
徵王應辰劉人奇曾孫六繼思繼祖繼科繼憲繼芳  
繼相女二嗚呼世之計臨人品者類以名位崇卑決  
之幽谷之蘭雖秀而弗採在璞之玉雖美而弗售此

隱居求志之士所以聲沈迹泯而往往無聞於世也  
不知務實者耻於近名充乎內者固無待乎其外區  
區名位烏可以爲人之輕重耶如公者辱在泥塗老  
于布衣蓄負才美鬱不得施固無所表見于世然孝  
友之德追配古人月旦之評重于鄉國在史氏自當  
以逸民獨行處之然則予之表公之墓豈容已耶豈  
容已耶

明故鞏昌府知府贈光祿寺卿曹公墓表

嗚呼是爲贈光祿寺卿秀山曹公之墓公資稟剛毅  
志行高潔所謂能自樹立不與世浮沉者也當

武宗之世錢寧以嬖孽上冒國姓摧傾一時士大夫  
畏之如虎無敢正言不諱以發其奸者正德壬申今  
中丞王懌周公亮之爲御史心嫉寧上疏歷數寧罪  
乞謫爲嶺外驛官無耻者猶以好名詆之雖得罪公  
議不顧也而公獨在前論救謂嬖倖當遠忠直當容  
竟以朋比爲罪由主事左遷河南府通判寧以爲謫  
近命下未一日又改調雲南尋甸公怡然就道未嘗  
沮喪尋量移黃州未幾陞廣信府同知歲丁丑乃擢  
華昌府知府將之任道病還卒于家及寧敗公

上紹統詔前此守正罹害之當褒卹者所司具以名

於是巡按御史王君仲脩列公見斥之故

上憫之加贈公官遣廬州府長史諭祭其墓公之所  
負雖不獲大用於時然直節正氣不物以腐者固可  
垂之百世而無已也公卒丁丑九月五日葬以戊寅  
十一月二十五日至是已十年矣而墓上之石尚未  
有爲之表者冢嗣采奉其同邑張經歷善所爲狀來  
謁予文初公之來倅吾信也予方以忤寧退處于家  
公一見莫逆每過吾廬必竟日而後別其英風義槩  
盖有著乎心目而不能忘者於茲表其忍辭和公諱  
號字瑞卿別號秀山姓曹氏世爲巢人其先祖諱貴



從

高皇帝起兵以功累官至指揮僉事曾祖諱儀祖諱  
享知安邑有惠政考諱廣爲虞城學諭以善教稱妣  
高氏生子二人其長爲南安教諭環次琥即公也公  
與南安兒時皆穎敏異常少長通經學古文譽日起  
弘治辛酉與南安同舉于鄉乙丑登進士第觀政戶  
部奉命至遼左犒軍歸授南京刑部主事丁虞城  
及繼母汪氏之憂終喪改戶部主事旣外調所在皆  
以廉勤著聞其在吾信尤拳拳民務是卹便不便當  
行罷者可專專之不可則懇于當路期必有濟時逆

濠及鎮守中官假進獻郡中茶葛諸物符檄旁午濠  
倚寧虐燄勲天人尤莫敢輕忤也公言此非額課抗  
不與以狀申臺使且將疏諸朝期必寢乃已濠及  
中官聞之皆自沮是歲郡乃晏然天旱又率吏民竭  
誠雩禱大雨如注郡人歌之署事未及一年惠之及  
民者無筭守缺民幸公補之會公入覲有鞏昌之命  
民聞之莫不悵然曰何爲奪我公而他界耶使天假  
公年才得盡用則其澤且咸于天下矣胡爲奪之之  
速和公生於成化戊戌某年某月某日年僅四十配  
張氏生子四人長即采次本俱邑學弟子員次泉次

承出後南安皆明敏可繼公志孫男一人尚幼公性孝友養繼母如其所生善事南安南安卒柩自閩還公叩關迎候緣道號哭聞者莫不酸楚其學以砥礪名節崇尚忠義爲本平生其淡薄務勤苦登第時有司例外饋贐一無所受歷官中外逾十載無一隴之植一瓦之覆以遺諸孤其卒也賴郡守向公文璽高公之節爲之經紀喪事乃克葬云嗚呼俗之偷也久矣士大夫貪慕榮利以失德爲患惟勢所在爭趨之益竈媚穴窺曾是不耻而反以爲工巧焉公於波流風靡之中乃能黨正擊邪其蹈禍穽豈不誠難乎哉

况挫之而愈勵真心雅操一初終而無變邪大一世  
甚短萬世邇長彼偷合苟容者高都濃饗非不足以  
取快目前然自公視之不啻如穢螻羶蟻何足爲重  
况盖棺論定公議終不可掩得如公之死而不朽乎  
墓木旣拱宿草萋萋予恨不能爲公致隻鷄之醢勒  
予辭以堅珉其尚有以慰公於冥漠也